

湖北詩徵傳略

湖北詩徵傳畧序

孔子編詩採列國之風者十有五而楚獨無風  
說者謂二南多江漢汝墳之詩實即楚詩也其  
後本三百篇旨而能別開一局以寓忠君愛國  
之思者厥惟楚辭然則楚之詩歌實冠三百篇  
首而繼三百篇後為千古詩教津筏尤非他國

之風謠所得比者魏晉以降騷人名作踵接代  
興使歷朝不變周制皆遣輶使下採風詩猶必  
以楚為弁領無疑乃世异法殊士夫布衣往  
工於詩而未必盡傳於世即傳矣亦未必廣而  
久不獨於楚為然而楚實為詩之淵藪也丁君  
星海以楚北名宿既喟鄉里先達輩有可傳之

作而至湮沒散佚且恐後之學者有數典忘祖  
之誚因就大湖以北各郡縣之以詩名者上溯  
禹攷先叙其生平復論其品格厯五寒暑而成  
是書題曰湖北詩徵傳畧而郵寄属序受而讀  
之不啻復覩二南九歌之風即三百篇之宗緒  
亦隱然猶存於世其視我浙胡文學之甬上者

舊集沈季友也樵李詩繫僅徵一隅也詩以聞  
揚為志者分上下牀矣謹贅數語以誌欽佩云  
光緒九年癸未夏德清俞樾力疾書于吳寓曲

園

湖北詩徵傳畧序

吾友孝感丁君星海青箱竹素寶先世之藏書綠水芙蓉作諸侯之上客鼓鐘倦饗鈴槩時操於是遙結古懽多聞軼事合千狐之美選上駟之良祧屈子之騷經溯從漢魏積襄陽之耆舊近逮明清咸頽秀而擢華遂連篇而累牘編湖北詩徵傳畧訖若干卷江夏王溥刊東陽聯句之吟進士莫君哀漢上題襟之什區區緝綴萬不足方茲勤勞宜廣流傳爰爲敘述原夫吳興絕唱僅三代之篇章宛陵羣英特一方之文獻若地則幅員遼濶時則祀載綿延先民有作所謂楚風補者已不無遺憾之留矣夫識不足以兼一代者不足以選一代識不足以兼諸家者不足以選諸家人不數

篇篇或數句欲使玩味者甫嘗嚼而鑿易牙之烹賞音者不終曲而飲伶倫之奏自古爲難斯言豈妄矧復斷代爲編因人繫傳效計有功之紀事而去其俳諧仿元好問之中州而防其曲筆至兼取古今評隲則又詩林廣記體製在總集詩話之間難有數端請舉吾說自來方志陋習強借名人杜甫系出襄陽而或訛京兆歐陽應舉隨州而實本廬陵確有明徵無煩博考然或各標郡望宅徙鄉閭孫可之自稱關東地包函谷牟獻之著籍湖郡集署陵陽常侍非渤海之高翰林匪隴西之李此里居之難辨也楊花草色偏同李益之名寒食東風別有韓翃之句又如馬嵬漢上作者無本而非卽閬仙巴陵岳陽題以周賀而仍爲清塞宋王宋玉點畫

微爭鮑照鮑昭音均誤叶而東南孔雀西北高樓但著時人不知  
誰氏者更類先生之烏有非但郭公之闕文此姓字之難稽也帽  
落孟嘉司馬登高於姑孰亭懷叔子太守陟峴於吳興首陽不盡  
屬夷齊洞庭豈兩歸皮陸白雲明月賦何處之東山細雨斜風非  
此間之西塞此詩之係以地者考據難核也廣平佚梅花之賦補  
自李綱摩詰無書事之詩擬從蘇軾凡本集之闕入戒一字之濫  
登否則庾信收楊炯之文江淹冒陶潛之作錢珝詩附錢起而以  
祖易孫陸機詩贈陸雲而變兄爲弟任情顛倒騰笑簡編此詩之  
係於人者消似難分也璇宮答少昊之母河梁增蘇武之妻但者  
新奇率多僞託又若中央四角誰序蘇蕙之圓圖三墨入儒僅見



宋庠之舊本江湖海日或謂賓王雀乳雞鳴原非樂府此詩之存於古者眞贗難審也書綜異代體近編年彼採武平者乃收入唐詩鼓吹編山谷者云錄自文苑英華步兵作中散之碑鑑湖歌柳枝之曲躋偕不順自節無譏若夫旌題容州橐名吾汝無韓亡秦帝之奮有黍苗麥秀之悲則箕子本殷之仁人陶令實晉之徵士乃心當塗者不宜廁諸典午未仕蒙古者仍須還彼金源此詩之係以代者斷制難定也將論世以知人必考信於載籍然杜牧之紀薛鳳事異唐書班固之傳方朔詞殊史記野錄多誤小說無稽鄭都官主持風騷史無列傳韓昌黎追逐李杜序有微詞此敘傳之難於徵實也蛾眉詎同貌而俱動於魄芳草甯共氣而皆悅於

魏顧乃論甘忌辛好丹非素主宗派之說專祖庭堅挾門戶之私  
盛推安石修怨則抑居中品感知則謂集大成此議論之難於持  
平也別雨淮風不無蠹蝕陶陰典與原待雌黃然鳴葭不作鳴笳  
晉書宜攷弱枝讀爲弱杖顏訓所咄日頭何與老僧而改白爲日  
天笑會由玉女而以添代天堪謂踴躍甯論雌霓此校勘之難於  
精密也夫惟大雅卓爾不羣爾其收撮漂零網羅放佚開表而百  
城坐擁分章而十手疲供鉅構宏規巢極元之集斷珪碎璧入摘  
句之圖良苦殊工薰蕕異器月三讓以成魄退然豐腹筍之儲派  
瀝萬以同歸遂爾翕尾間之會審其詳畧則河汾蒼諸老之詩稀  
存專集谷音聚逸民之作錄及無名劑其寬嚴則沈約范雲不見

遺於六代佳期之間亦許列於三唐至於公安竟陵承太倉厯下  
之餘矯優孟衣冠之習弊流纖巧意主清新夫盧駱江河尙不廢  
於天寶楊劉風采詎遭禁於祥符星海懸照膽之明屏吹毛之刻  
翼存廬山之眞面籍救滄海之橫流豈第以崇尚典型爲敬恭桑  
梓已哉他如書穀才調不綴拾遺蕭統選樓未登水部蓋恐蹈筆  
削之僭亦謹避標榜之嫌具有前規非由創設而徐陵之附已作  
邱吉之書父名炫才悖敎則無取焉亦可謂博觀慎擇不苟於作  
者矣貴堦把觀過日興歎望洋方自懷巴曲之慙曷從匡楚紀之  
謬鍾毓盛梗楠杞梓未喪斯文照耀及衡嶽湖湘願分餘勇光緒  
九年季夏巴陵杜貴堦謹序

詩以理性情無古今無畛域也然三百篇後自漢魏六朝迄唐宋論者已有升降焉孔子刪詩十五國并列後世選其鄉人之詩者黃梨洲有姚江梁崇一有廣東王慎人有莆田清籟煌煌鉅帙如日月之麗天夫梨洲崇一諸君之懷鉛握槧矻矻不休者謂何蓋憫夫鄉里薦紳先生山林憔悴之士終身抱膝撚髭欲傳其詩而未必傳卽傳未必久久亦未必能盡因據其耳目之所近都邑之所遺無論爲漢魏爲六朝唐宋但溫柔敦厚不失聖人刪詩之旨者彙入選錄以傳於世迹雖涉於詩人標榜之習實則純乎仁人君子之心如五季卽有創是舉者則方雄飛輩已稱慰九京尙何慕張文蔚身後及第之一請哉吾楚風

稱詩人淵藪洎鍾譚起竟陵矯何李之弊一變而爲幽深海內  
談詩家遂指詩歸爲口實楚風不競三百年矣余友丁星海中  
翰少卽與程維周廣文稱詩江漢庚午辛未之際爲廣文論定  
其詩付之梓或有勸中翰并梓已詩者中翰瞿然曰吾詩果可  
傳乎哉吾詩可傳則湖北宜傳之詩不少矣溯自權輿騷雅作  
者代興由漢魏六朝唐宋元明以逮國朝名作如林殆不可  
以什百千萬計而數典忘祖傳誦寥寥固楚人爲名之不善亦  
楚人自謀之不臧也中翰乃於大湖以北各郡縣之詩家不憚  
僻壤偏陬苦搜冥索丹黃甲乙竭五寒暑而書始成且甄覈慎  
詳不遺不濫其於詩人出處大略與公安竟陵說詩得失之故

皆連類并及隱持春秋之義以寓其知人論世之慨焉吁中翰  
於此可謂極桑梓之闡揚操風雅之枋柄而無愧者矣昔閔景  
賢輯刊有明韋布之詩曰布衣權夫布衣何權能以一卷詩與  
造化爭千秋之名則無權而權實甚吾是以讀姚江廣東等集  
而歎梨洲諸君之善用權也使天下留心詩教者聞風興起各  
徵其邑人之詩輯爲成書以待輶軒使者之採則寰宇無不發  
之幽潛風騷有同聲之求應豈尙復畛域之云分而有古今不  
相及之感耶能得斯旨者始可與讀中翰之詩徵同里沈用增

湖北詛徵凡例

式綜輯楚詛最古者莫如廖大隱也楚風補楚詛紀蒐羅詳  
富會收入四庫全書第大隱爲長沙產詳於湖以南豈重湖  
間阻採訪難周如邁制府脩通志詳於北而略於南歟茲編  
劃湖以北爲限非云自嚴體例實因囿於見聞

式曩於天門鎬孝長明經處僭讀江陵張旋均所輯湖北詛佩  
於厯代鄉先生著述採訪尙爲詳賅而以蘄縣次第詛人例  
體尤見斟酌第詩人籍貫胥代人而縣籍數省者胥流寓厯  
世卽以爲著姓者詛佩斷自通志通志旣已列入倡未容臆  
爲去取是編皆仿元例不敢妄肆區別

式詩人冠以傳略用殷璠河嶽英靈集例又仿朱竹垞明詵綜  
靜志居詵詒例選載諸家評語間採零句斷章而於詵人之  
偉節畸行必詳紀述不僅備式代之文獻且使讀其詵知其  
人雖生不同世庶幾楚國先賢襄陽耆舊豈深景仰焉

式徵詵與選詵似相類而實不相侔於尊章摘句中中寓知人  
論世出義旨詵存人亦目人抒詵凡忠孝節烈理學文苑及  
方外閨秀藝術童穉莫非山川間氣所鍾示人雖不盡以詵  
名而一行足稱一言足紀卽未容任斤跡匿聲銷茲編於此  
等處特加出意或見諒於興觀世君乎而免冗濫之譏焉  
式人必論定已往始可徵信將來故昭明選詩不登何遜茲編



專列往蹟皆賢槩置不錄旣泯聲氣且嫌亦雪羔雁且恥  
式臣誼難選誼亦不易鍾退谷曰選誼者必使示人之精神耳  
目自我式新又曰精於選者選其所必可傳使讀者疑示全  
者或不止此眞臣者功臣亡持論極爲允快予學識兩疎它  
山寡助目昧珠還在所必有知我罪我夫復何辭

式湖北著臣家何可僂指從弄畱心風雅纂爲閤省閤府閤縣  
止誼者亦不下十餘種至諸家文集中序傳誌狀與筆記誼  
語及省志郡縣志書所紀蒐羅難周挂漏不免尙望海內同  
心慨假藏書資我孤陋幸禿假我季衣必隨在訪求彙爲續  
編以期幽隱咸周艸莖無遺是則區區之式片愚誠亡夫

式茲編於 國翰世家網羅較富初恐見非當世及讀紀文達  
評明訛綜謂於隆萬以後收採稍繁者蓋世遠篇章易佚昔  
近部帙丑存當灾隨所見聞不盡出此標榜真足窺見選家  
苦心予亦得藉目自解焉

式茲編始於戊寅夏迄於辛巳穉再閱寒暑物具端倪偶閱卧  
園誼語有云 成廟昔吳門陶鳧鄉侍郎樑觀警黃州爲吾  
楚風雅主持曾招王學壽比部王香雪明經入幕爲湖北訛  
徵也輯未幾內遷遂攜稿北去近聞已徵佚淨盡矣始知三  
十餘年苟已胥導吾先路者茲編謂也續紹則可若云竟苟  
人止緒吾又何敢

一菟採固宜富有校讐尤貴精詳錢塘張少南全浙詆話刊誤  
序有以上下數千年徒恃一手指之力爬羅抉剔求其完善  
無謬戾難矣爲之理其物疎補其缺憾非好爲是掇擊竊欲  
自託諍臣等云讀之不勝悚惕揜卷自省揀過不遑吁安得  
當世有少南其人爲吾諍臣是則莫大之幸也跂足俟之

光緒辛巳季冬孝感丁宿章謹識

湖北証徵傳略總目

卷貳

江夏

卷貳

武昌 咸甯 嘉魚

卷四

蒲圻 崇陽

卷五

通城 興國 大冶 通山

卷六

漢陽

卷十九

漢川

卷十式

黃陂

卷十三

孝感

卷十四

沔陽

卷十五

黃岡

卷十七

黃安 黃霖

卷十八

蘄州 蘄水

卷十九

麻城

卷二十

羅田 廣濟

卷二十一

安陸

卷二十二

雲夢

卷二十三

應城

卷二十四

應山 隨州

卷二十五

鍾祥

卷二十六

京山

卷二十七

潛江

卷二十八

天門

卷三十

荊門 當陽 遠安

卷三十一

江陵

卷三十三



監利

卷三十四

公安

卷三十五

石首 松滋 宜都 枝江

卷三十六

襄陽

卷三十七

宜城 棗陽 穀城 南漳 光化 均州

卷三十八

東湖

卷三十九

歸州 巴東 鶴峰 長陽 長樂 興山

卷四十

恩施 宣恩 來鳳 咸豐 利川 建始  
鄖縣 鄖西 房縣 保康 竹山 竹谿

湖北詩徵傳略卷一目錄

江夏

晉李充子暉

梁費昶

唐李宗孟  
李昇  
李沈  
李邕

宋馮京  
李昌國子康年

明張誠  
吳徹  
曾泰  
辜臯

張天祐  
瞿閻  
王竑  
李萃然

劉績  
吳偉  
馮世雍  
常居敬

郭正域  
劉墩仁  
張文光  
任家相

熊廷弼

賀逢聖

游士任

劉南呂

朱華園

明睿

郭昭封

釋如愚

關  
秀呼文如

湖北詩徵傳略卷一

江夏

孝感丁宿章星海輯 子彝校字

晉李充字弘度子顒

充祖康父矩皆有美名充初辟丞相王導掾記寶參軍常歎不被遇接殷揚州知其家貧問君能屈志否曰北門之歎久已上聞窮猿奔林豈暇擇木遂授剡縣令後遷中書侍郎時典籍混亂充以類相從仍分四部極為詳賅

楚風補

充善楷書工詩祖汝南太守康子顒均有文義多著述

晉書文苑傳

七月七日云朗月垂玄景洪漢截皓蒼牽牛難牽牧織女守空襄河廣尚可越怨此漢無梁送許從詩云來若迅風歡逝如歸

雲征離合理之常聚散安足驚嘲友人云同好齊歡愛纏綿一  
何深子既識我情我亦知子心燕婉歷年歲和樂如瑟琴良辰  
不我俱中濶似商參爾隔北山陽我分南川陰嘉會罔克從積  
思安可任目想妍麗姿耳存清媚音修晝興永念遙夜獨悲吟  
逝將尋行役言別泣沾襟願爾降玉趾一顧重千金

顧充子郡舉孝廉涉湖云旋經義興境叩棹石蘭渚震澤爲何  
在今唯太湖浦圓徑縈五百眇目面無覩高天森若岸長津雜  
如縷窮窅尋灣漪迢遞望嶺嶼驚颿揚飛湍浮霄薄懸咀輕禽  
翔雲漢游鱗憩中滸黯黯天時陰岩巖舟航舞憑河安可殉靜  
觀戒征旅又有經渦路作一首並傳於世

梁費昶官秘書監

昶善樂府嘗作鼓吹曲武帝歎曰才意新拔有足嘉異昔柳惲博物卞蘭巧辭束帛之賜實爲勸善可賜絹十匹當時稱閭里才子南史

巫山高云巫山光欲晚陽臺色依依彼美嚴之曲甯知心是非朝雲觸石起暮雨潤羅衣願解千金珮請送大王歸芳樹云幸被夕風吹屢得湖光照枝低疑欲舞花開似含笑長夜路悠悠所思不可召行人早旋返賤妾猶年少有所思云上林鳥欲棲長門日行暮所思鬱不見空想丹墀步簾動意君來雷聲似車度北方佳麗子窈窕能廻顧夫君自迷惑非爲妾心妒長門怨

云向夕千愁起自悔何嗟及愁思且歸牀羅襦方掩泣絳樹搖  
風軟黃鳥弄聲急金屋貯嬌時不言君不入採菱曲云妾家五  
湖口采菱五湖側玉面不關妝雙眉本翠色日斜天欲暮風生  
浪未息宛在水中央空作兩相憶行路難云君不見長安客舍  
門娼家少女名桃根貧窮夜紡無燈燭何言一朝奉至尊至尊  
離宮百餘處千門萬戶不知曙繞門啞啞城上烏玉欄金井牽  
輓轡丹梁翠柱飛流蘇香薪桂火炊雕胡當年翻覆無常定薄  
命爲女何必羸和蕭記室春且有所思云芳樹發春輝蔡子望  
青衣水逐桃花去春隨楊柳歸楊柳何時歸裊裊復依依已蔭  
章臺陌復掃長門扉獨知離心者坐惜春光遠洛陽遠如日何



南見宓妃詠人幌風云經房汎寶瑟乘隙動浮埃鏘金驅繹至  
舉袂送芳來能使蘭膏滅乍見珠簾開輕裾試一舉令子暫遲  
廻

唐  
李宗孟

宗孟年十一以茂才舉召試舍人院全唐詩錄費禕洞詩云空  
遺費仙跡不見庾公遊草木有新色江山餘故愁

李

昇  
字雲舉

昇幼學煉氣養形之術與元白善年百餘歲卒有元白席上作  
云生在儒家遇太平懸纓垂帶布衣輕誰能世路趨名利臣事

玉皇歸上清

全唐詩

李

沈字東濟

沈鄴之孫礪之子有俊才秋霖歌云西方龍兒口猶乳初解驅  
雲學行雨縱恣羣陰駕老虬勾水蹄涔盡奔注葉破苔黃未休  
滴膩光透長庭莎色恨無長劍一千仞割斷頑雲看晴碧

李

邕字泰和官北海太守

邕父善字次遜其先揚州徙江夏淹貫古今雅擅文詞號書簾  
爲文選注盛行於時邕少讀書鍾臺山中蚤有名重義愛士杜  
少陵嘗有贈江夏李公邕詩旣冠見特進李嶠自言讀書未遍  
願一見秘書嶠曰秘閣萬卷豈時日皆習耶邕固請授直秘書  
未幾辭去嶠驚試問奧篇隱悞了辨如響與張廷珪同薦乃累

翹累蹶後進不識京洛聚觀以爲古人或傳睂目有異衣冠望  
風尋訪中使臨問索爲文章爲李林甫所忌出爲北海太守時  
稱李北海又號翰林六絕謂文章書翰過人杜甫謂碑板照四  
裔是也初盧藏用謂邕曰君才如干將莫邪難與爭鋒但虞缺  
折耳卒如其言

銅雀妓云西陵望何及絃管徒在茲誰言死者樂但令生者悲  
丈夫有餘志兒女焉足私擾擾多俗情投迹互相師直節豈感  
激荒淫乃淒其潁水有許由西山有伯夷頌聲何寥寥唯聞銅  
雀詩君舉良未易永爲後代嗤登厓下古城員外新亭云晉宗  
固神秀體物寫謀長形制開古跡曾氷延樂方泰山雄地里巨

壑渺雲莊高與汨煩促永懷清典常含宏知四大出入見三光  
負郭喜梗稻安時歌吉祥奉和初春幸太平公主南莊應制云  
傳聞銀漢石支機復見金輿出紫微織女橋邊鳥雀起仙人樓  
上鳳皇飛流風入座飄歌扇瀑水侵階濺舞衣今日還同犯牛  
斗乘槎共逐海潮歸

宋 馮 京

字當世仁宗皇祐進士官至觀文殿  
學士太子少師諡文簡有鬻山集

京鄉廷試皆爲舉首時年十八姿容秀美學問該洽時張堯佐  
以京未娶負宮掖勢欲娶以女力辭後娶富弼女再娶晏殊女  
人有言曰兩娶宰相女三魁天下元先是試於鄉主司已黜綴  
榜末時鄂倅南宮誠監試當折封不平力主之遂至魁選明年

廷試第一除荆南倅還直集賢院判吏部南曹同修起居注試  
知制誥避婦父富弼當國嫌拜龍圖閣待制知開封府數月不  
詣丞相府韓琦語弼以京爲傲弼使往見琦京曰公爲宰相從  
官不妄造請乃所以爲公重非傲也王安石爲政京論其更張  
失當累數百言安石指爲邪說請黜之帝以爲可用進參知政  
事數與安石論辨又薦劉攽蘇軾掌外科紹聖元年薨宋朝進  
士自鄉試至廷試皆第一者纔三人王曾宋庠爲名宰相京爲  
名執政可謂不愧科名矣未第時客餘杭爲官逋拘窘題詩於  
所寓寺壁云韓信棲遲項羽窮手提長劍喝秋風可憐四海蒼  
生眼不識男兒未濟中一胥見之爲白令丐寬假令疑胥曰馮

秀才甚貧惟見其出語不凡耳因誦其句令遽釋之

寄謝鄂倅南宮誠云當思鵬海隔飛翻曾得天風送羽翰恩比  
邱山何以報心同金石欲移難經年空嘆音書絕千里相思道  
義寬每向江陵訪遺跡人猶指點縣題看詔修兩朝國史賜筵  
史院和吳相公韻云天密叢雲曉風清一雨餘三長太史筆二  
典帝王書按武知何者霑恩匪幸歟吐茵平日事何憚汚公車  
又句如槩彈夜月龍魂冷劍擊秋風鬼膽蝸塵埃掉臂離長陌  
琴酒和雲入舊山吟氣老懷長劍古醉胸橫得太行寬豐年足  
酒容身易世路無媒著脚難

宋詩紀事

李昌國

子康年

昌國有清修善教子長康侯官河南守次康年官監丞善古篆  
與東坡魯直游次康直官員外休致歸里自稱裕老以詩酒自  
娛

通志

康年字樂道贈博好古小篆尤精山谷謂康年晚年悟篆猶下  
筆自有可喜秦丞相斯唐少監陽冰不知去康年遠近也

明

張

誠字應元

誠元末舉孝廉不仕僻處靈泉力學敦行洪武時以康茂才薦  
召賦白燕詩官翰林

吳

徹

字文通

徹家貧落魄好奇節元末天下亂陳友諒訪得之置諸親密稱

爲先生友諒進攻豫章遣偵太祖爲所獲釋縛問曰聞汝能詩  
爲我賦天閑百馬圖徹應曰問渠何日渡江來百騎如雲疊鼓  
催九十九中皆汗血當頭一個是龍媒太祖擊節而恨其爲友  
諒所用刺詭譎秀才字於面遣還遂掉舟遁友諒敗死子理奔  
還武昌堅城久不下太祖將屠之忽有稱詭譎秀才求見者召  
入問曰汝安得尙在此良久復命題西山夜雨詩徹復應曰莫  
厭西山夜雨多也應添起洞庭波東風肯與周郎便直上金陵  
奏凱歌太祖遂下令班師還建康後屢下詔物色之曰吾面目  
可憎竟辭不出

通志

曾泰

以薦辟官  
戶部尚書



秦洪武初以秀才徵學行允孚上重之每慷慨論事言無不從  
超拜大司農以白燕應制詩得名句云別殿幾年開玉匣舊人  
何處認烏衣無事刻鏤自難移易

辜

臯

官知縣

臯知德興有善政以詩鳴世傳其白燕應制句云雙飛自託雲  
中鶴一曲空彈陌上霜妙於取神

張天祐

字仁一號鶴山洪武進士官御史

天祐七歲能詩日誦六千言過目不忘任詹事輔導有方太祖  
有忠良正直之旌靈泉山云春風來幽徑古木生微香虎跡帶  
雲動亂峰迎夕陽石橋坊云繞岸雲如水入門山滿堂霏煙生

關闔空翠上衣裳石暝猿猶卧松高鶴正翔居然成野趣那解  
錦衣鄉清婉軼倫雅近王孟

曹 闔

字冀成永樂進士官御史

闔或云黃巖人而楚中登科錄可考乃謝方伯採其詩入赤城  
集中期東里一篇情致纏綿髣髴謝監南樓風調

靜志居詩話

期楊士奇不至云羈旅無友生何以慰懷思有客筮適我芳辰  
以爲期深輦鳥雀喧窮巷牛羊歸相候清路傍冠佩來何遲我  
者旣云具我酒亦已持雖無德與女寫心良在茲子甯不我卽  
佇望增歔歔仰觀列宿行羨此明月輝令德衆所慕彼留知爲  
誰諒無好賢誠空負緇衣詩

明詩綜

王

竝

字公度正統進士官兵部尙書

竝豪邁負氣節英宗北狩郕王攝朝午門羣臣劾王振誤國罪  
讀彈文未起王使出待命衆皆伏地哭請族振錦衣指揮馬順  
者振黨也厲聲叱言者去竝昔爲御史奮臂起捽順髮呼曰若  
曹奸黨罪當誅今尙敢爾且罵且齧其面衆共擊之立斃朝班  
大亂王恐遽起入竝率羣臣隨王後王使中官問所欲言曰內  
官毛貴王隨亦振黨請置諸法王命出二人衆又捶殺之血漬  
廷陛竝名震天下王亦以是深重竝累進兵部尙書一年謝病  
者四月人以未竟其用爲憎中外薦章百十上竝報寢初竝號  
其室曰蠶菴旣歸改曰休菴詩二卷

明史

李萃然

字仁夫

仁夫工詩精六書故與大學士張治善張雅欲用之特造其門觀壁間有句云自古文章有定價用舍一時無定名張爲憮然

劉

績

字用熙宏治進士官知府有禮記正訓蘆泉詩文集

績博治經史與李獻吉齊名相友善著述淹貫羣籍根極理要

吳

偉

號小仙

偉以畫名詩亦通峭武宗時入畫苑賜號畫狀元童時鬻作豪家僕入主人塾便伸紙作小畫畫竟題句曰白頭一老子騎驢去飲水岸上蹄踏蹄水中嘴對嘴師大奇之時年甫七歲也

詩評

雪濤

小仙入供奉仁智殿其畫人物出自吳道子縱筆不甚經意而  
奇逸瀟灑動人山水樹石俱作斧劈皴亦大遒勁宜畫祠壁屏

障問

藝苑卮言

小仙善丹青尤工於人物人皆以吳道子稱之先是其父吳老  
客金陵與報恩寺僧相得僧能畫不甚善性嗜酒吳老無子僧  
以酒狂卒是夜夢僧謂之曰與相得不欲久離及醒異之未幾  
果產子三歲能舉筆圖寫後畫名天下亦以酒狂卒

北窗瑣語

馮世雍

字子和號三石嘉靖進士官  
知府有三石文集呂梁志

世雍書汾山谷有奇氣詩亦然如登雲龍山云山雲天矯如游  
龍蜿蜒幻出青芙蓉天風吹衣躡危磴白日對酒披芳藂黃茆

岡上野煙合戲馬臺邊春燒紅我來題詩紀行色一曲洞簫吹  
遠空喜雨云落日閉門山雨鳴草堂坐覺寒泉傾書卷向人意  
自靜林花入夢魂俱清曉看龜坂春漲沒坐聽龍江秋浪生莫  
嫌寂寞逢快事洗研振衣雙眼明不獨笙磬之同且亦神髓之  
似

龔憲盛明百家詩採其春日遊江心寺云鷺峰移幻景騎省慙  
清游山隱隋唐樹江吞楚越流鐘魚千嶂寂雲浪一鷗浮便欲  
辭簪組相將入貝洲赴滇南煙莊道中云碧嶂千峰合黃茆一  
徑開馬從危石渡人自亂山來眠樹青溪濕寒雲白雁哀漫停  
湘浦駕遙望漢宮臺

楚風補採其登岳陽樓云澤國雲蒸水滿湖茫茫煙浪混虛無  
波心明月撼將墮海上浮邱閒可呼巴客錦帆飛鳥盡湘靈瑞  
瑟暮峰孤蘭汀蕙渚空相戀恐有魚龍夜泣珠皆清脆嘹唳而  
不染叫囂之習

常居敬

字惟一萬歷進士官浙江巡撫

居敬撫浙值倭寇披猖自募兵討之復分將士助攻甯夏上嘉  
其忠

補陀僧真語奉詔還山謁余鄂渚兼致緯真屠儀部書賦此爲  
贈云緘書忽爾破愁顏杖錫何由逗楚關天語向爲龍藏譯帝  
城應許鶴飛還赤霞海色迎宮錦白雪秋陰到鬢斑乍覺寒濤

江上發丹楓吹遍落伽山

郭正域

字美命萬歷進士官至禮部侍郎諡文毅有黃離州

正域生而卓犖博通載籍有經濟大畧自守介然人望歸之首輔沈一貫初爲教習師望其執弟子禮正域不少屈埒銜之會以議楚王草奎事力排之乞休去甫公而妖書獄起妖書者卽所謂憂危宏議也一夕間宮闈都市皆遍上見憤懣詔大索一貫風臺臣康丕揚錢夢皋等疏稱出正域手而沈鯉同謀詔聽勘發卒圍正域於揚邨舟中鈴柝達旦逼令自裁正域曰大臣有罪安能自屏野外乃盡械其僕婢及傭書者拷毒備至竟無所得先是東廠捕得在京諸生皦生光嘗以宿恨造妖詩書鄭



戚之門者必欲令引正域生光仰視不揚夢臯罵曰死則死耳  
奈何誣郭侍郎光宗在東宮語近侍曰何爲欲殺我好講官諸  
人始懼又御史牛應元沈裕比部王述古皆力持之獄乃解正  
域歸十年乃卒贈少保尙書諡文毅別著有皇明典禮志武昌  
江夏府縣志十三經補注

明史藝文志黃離艸十卷爲葉向高序入後一段云美俞嘗言  
文章不可學一家言當如化工造物包羅萬象無所不有無所  
不妙故文則自六經子史下至近代名家詩則自三百篇漢魏  
六朝下至唐人皆在胸中皆在筆底乃稱作者其志如此而才  
又足以副之故能傳後世而光儒林

文毅坐妖書繫獄九死不悔可謂骨鯁之臣其論樂府云今人  
全用擬議而無變化令人讀之如挾陳人口中珠殆爲于鱗輩  
發也又言文章不可學一家詩必自三百篇漢魏六朝下至唐  
人皆在胸中筆底乃稱作家蓋有志而未造其詣者長安道云  
長安道春無花秋無艸何不歸來山中好遣祀景陵恭紀云宜  
皇陵廟天山裏王氣蔥蔥鐫帝梧只見丹臺餘寶鼎不聞銀漢  
繞金鳬千官露舄朝珠隴五夜雲車下紫都記得當年巡幸日  
道旁駐輦問農夫

宣德十  
年事

廬山五老峯云湖中五老峰去天不

盈尺澗底白雲生五老頭俱白

靜志居詩話

文毅爲有明一代偉人其詩故具離奇慷慨壯之氣仙棗行云仙

棗千年不肯實一朝結果大如瓜何來小吏偷啖之須臾白日  
飛紫霞我聞火棗不可得無乃秦王海中黃布之舊花不然安  
期所遺之故核朱繪紅玉圍青紗又聞王母降漢室玉門仙棗  
紛如麻蕊珠滿樹繳絳雪金瓦綴葉團丹砂神仙靈藥各有分  
我欲剝棗手難拿亭子高高催飛雨鱗豐碧瓦搖風沙至今巖  
畔多老棗殘根剝落纏枯槎螭螭古藤支綠蟻蜂飛暗葉藏青  
蛇那知不有神仙至再看老枝生萌芽安得纍纍撲滿地飽食  
江城百萬家而近體復工麗芊緜擅唐人之長邱謙之自衡山  
來辱枉新詩大遺萬季松三株衡山石一片報謝云五嶽壯遊  
徧陽春大雅存紅顏謝冕黼白眼向琴尊紫袖朱絃動清歌玉

露繁雄心付兩屐彩筆問三源江漢風仍在岫嶂碣可捫玄夷  
迷曉夢寶洞駐征轅練景飛雙鶴山巖聞夜猿不知曾眺詠何  
以逐孤鶩江介迴仙舫光風到華門三株披石秀一片動雲根  
麗藻來相訊瑤華不足論有懷操杖履未暇效盤飧似接芙蓉  
面如聞金簡言憂思慙阮籍痛飲負平原意氣誰投轄文章已  
斷輪索居吾豈敢還擬賦高軒它佳句如黃鶴樓云依舊空中  
雲盡白不聞市上鶴曾黃送熊芝岡督學南畿云范士肯教金  
躍治論文不使蛇爲神表忠觀云漢廷不少攀龍客周道仍堅  
叩馬心新築一枝巢云真似榆枋堪託宿從他風雨不飄搖木  
蘭寺云南瞻鄂渚通王氣北顧中原鎖帝鄉

劉敷仁

字濟甫有漆學齋桐柏軒等集

敷仁與竟陵譚友夏以詩文相砥礪凌給諫茗柯林太史可任  
嘗過訪預屏騶從戒曰劉先生門無雜賓勿以僕御溷高士廬  
崇禎壬午以曲臺魁京闈甲申聞國變築室餘荷塘學易著書  
隱居終老

邑志

張文光

字公觀萬歷進士官檢討

文光以論楚藩事忤沈相遷尙寶丞詩宗謝客兒瀟散閒遠自  
臻妙境雜詠云放舟行湘中注目衡山上舟移景亦移千里各  
異狀奔峭湧逝波層巒開疊嶂疑塞忽開通一背復一向巍哉  
插青冥幽深極澄曠林木色蒼蔚流泉瀉蕩漾猿猱嘯夜月虎

豹浮雲抗他嶽或奔圯茲山獨無恙鄴侯曾隱居旋拜真宰相  
高僧習禪關屢得法眼藏興雲洩霧雨沛澤何流宕舜廟可瞻  
依禹碑擬搜訪婚嫁了世緣巖棲託微尚名嶽嶽崎離落況狀  
寫得出自非易才

任家相

字白甫號心葵萬歷舉人官司務有雲龍閣集

家相爲諸生時與郭美命齊名由婺源諭遷翰林待詔充福王  
講官上勸學箴朝論韙焉

詩有氣骨過恨者關云楚塞諸山盡噴吼鳥道還關頭停馭客  
不畏路行難觀日云爲愛閑雲倦卧遲新晴鐘鼓上方知乍醒  
蘿月三更夢已挂扶桑第一枝海氣茫茫對霧霏六鼇初捧火

輪蹄漫傳金翅鳥三足實有神光燭九微

熊廷弼

字非百號芝岡萬歷進士官遼東經畧謫襄愍

廷弼少負逸才自髫年捉筆爲詩歌卽有泣鬼神驚風雨之概及長軀長七尺餘少髯有膂力能左右射具文武材卓然有大志及成進士由推官至兵侍經略遼東與羣小不合回籍聽勘再起遼東爲本兵張鶴鳴所傾陷使撫臣王化貞分其權兵敗同論斬傳首九邊天下冤之適魏璫柄政楊應山疏璫二十四罪媚之者謂稿出廷弼手以侵盜軍資追贓籍其家產姻族家皆破子兆珪死獄中摧辱妻孥於應山爲加甚廷弼文筆浩瀚奏疏皆出手裁詩尤排莽忠義之氣時溢楮墨

明史本傳

廷弼已中武解因事爲當道所責辱折節爲帖括遊庠及鄉試  
無錄科名請於督學鄒公不允乃持其輿力大輿夫俱倒鄒怒  
立予呵責出題命作文文大佳鄒爲霽威送入闈是科卽領解  
後廷弼督南畿學見鄒鄒踴躍若悔公曰雷霆雨露皆佩教誨  
懽然無復遺憾

蓉江集

襄愍生時長虹貫室雷聲震地週歲日有相者曰此天生豪傑  
凡民中人龍也當是岳武穆文文山一流人物

邑志

熊公字奇爲學使試江夏得熊賀兩公卷甲乙久不定或問之  
曰一將一相未易軒輊其人曰相在前公然之臨大比皆使餽  
以金且察其狀賀端坐小室徐起對使者再拜受之口授謝辭



至熊所熊適自外來遽納金懷中偕使者叩轅謝使者具以告  
公掀髯大笑顧幕僚曰所爲將相者信矣 襄愍試常州賞賚  
諸生宜與首卷生周延儒進公注目久之曰難道爾將來官職  
不高恨爾心術不正杖之二十復厲聲曰急早回頭如是者再  
是夕公頗不樂連飲數斗拔劍起斫壁柱大呼宜與生惱人宜  
與生惱人 嚴齋筆記

襄愍善六法嘗見吳以恬家藏小幅有自題句云山高入淡雲  
石老盤喬木何處覓幽人幾間茅艸屋大似石田翁 瓶隱齋筆記

流賊破潁州前兵部尙書張鶴鳴年八十五里居被執倒懸於  
樹射洞胸而死予大同亦被殺吉士論曰鶴鳴構陷襄愍致死

而咸之者丁相紹軾也紹軾於長安道上白日見襄愍歸而腦  
裂死鶴鳴年逾大耄卒遇慘難詎可以得正而斃遂恕其生平  
哉

寄園寄所寄

先生經略遼東過黃梁祠題句云謾道三綱與五常從來個個  
說黃梁只因遺下先生夢誤盡人間瞋睡郎墨跡未乾而豐碑  
在望詎黃陂吳伯陽御史魏客黨也其子惇寬卽碑陰題一絕  
云題詩勒石氣何雄轉眼黃梁又夢中兵尙未來關已入這回  
瞋睡正朦朧後陷先生者謂楚狂言楚事可證公罪嗚呼公果  
罪也哉

游肩生侍御遣戍安慶襄愍爲歌送之有云惟我與君皆楚人

楚人送楚當楚歌楚歌悲怨不可聞我歌未出淚先沱君卽搖  
手勸我止歌出徒令嘆者呵天方禍楚豈人力試看四面皆網  
羅冥羽潛鱗一無遺山空將盡授正苛我今脫身荷戈去得聞  
潛伏深山阿侍我老親教我子微髮披緇幸已多獨公置身在  
冤禍檻豕樊雞可奈何啖公肉未厭其腹澆公血徒染其戈云  
何曉曉逢彼怒還投沸海揚腥波何不拚去其牙角與物無競  
相隨和三戶無人楚氣盡順天者存理不訛世事由來亦有極  
無爲自取煩惱麼宗社有靈必無事聖明會鑒公無他殷勤勸  
我語未畢沉吟但把手拏摩襄愍禍機之伏侍御蚤見及之卽  
襄愍亦蚤自道之特以忠鯁性成牢不可破當大事臨大節浩

氣流行有凜然不可遏止之勢使其稍存希冀苟免之心又安  
成其爲轟轟烈烈之大丈夫哉

襄愍忠孝天生發爲詩歌能驚風雨而泣鬼神不虛也以詩人  
目之淺矣不以詩人目之千古豈有不忠孝之詩人哉硯銘云  
自渡遼惟汝伴艸軍書常夜半吾之心汝所見夷齊廟云貪吏  
不可爲先生已千古貪吏不可爲先生獨千古何貪亦何廉志  
士聽所取如何風日下儒紳而監賈揮霍謂無礙貞士嗤迂腐  
浣烏以爲白金亦輕於羽夫焉有所憚而不貴阿堵苞苴盈路  
衢誰念徹桑土文官只愛錢武官只怕死東方一發難邊腹受  
毒苦豈惟邊陲故斯人招其侮禍國禍生人擢髮未足數我欽

先生風盟沐登堂庶率爾陳蕪詞請作澄貪主澄之亦何以灤  
水清可覩一濯貪夫腸庶幾可少補春雨東園雜詠云東城細  
雨過園廬高閣微風引珮琚滿院花香侵几潤隔簾樹色入牕  
虛春禽初語僧持偈宵鶴欲鳴人讀書吾黨自饒真樂處當年  
甯悔賦歸歟春寒病肺怯登臺溪午酣唸坐曲隈避客却愁無  
客到喜書便畏有書來游鱗渾忘濠梁樂狎羽空勞鷹隼猜自  
是逐臣圖苟活敢云明主棄非才新卜東園云爲愛池塘好避  
喧新開別業向東園梅山樹遶斜連谷蓮渚橋通直到門傳是  
舊時花柳巷竭來漫作桔槔園主人初領林臯事鎮日經營不  
憚煩詠史云拍案疾聲呼賊檜分明非與岳家仇東牕計定金

牌去斷送南朝二百秋燒羊云十年射虎心猶壯今日燒羊酒  
正飄雪地何妨中夜飲豎儒漫笑黨將軍采石磯云江心一片  
石獨占風濤久有時觸其怒能作蛟龍吼先生提學南畿時過磯留題至今碑碣巍然吾鄉吳玉輅南遊歸曾經目覩云

賀逢聖

字克繇號對揚萬厯進士官至大學士諡文忠

逢聖與熊廷弼少同里而不相能同受知於學使熊尙文并奇  
二生曰熊生干將莫邪賀生夏瑚商璉舉於鄉官應城教諭旋  
捷南宮入翰林時廷弼以廣甯之敗就逮同鄉官將揭白之意  
逢聖沮乃佯色曰此國家大事吾安敢介小嫌卽具艸上湖廣  
建魏忠賢生祠忠賢聞上梁文出其手喜詣謝逢聖曰誤俗衞

陋習耳忠賢拂然去明日削逢聖籍崇禎時復官數年洊副相  
位逢聖廉靜砥行與周延儒同柄政無所糾繩亟求去去日宴  
饒便殿大哭伏地不能起歸之明年張逆陷江夏闔門投墩子  
湖死賊去求屍不得大吏望衍而祭有神夢於湖之人我守賀  
相殊苦汝受而視之手有黑子是也覺而異之俟於湖赫然而  
尸出驗之果是蓋百有七十日面如生先是大冶門人尹如翁  
走三百里貽以僧衣帽逢聖反之曰子第去勿憂我及賊破大  
冶如翁亦死

明史本傳

公爲應城學官每日晨起於聖殿丹墀几筵龕座必躬親拭掃  
肅衣冠四叩風雨寒暑無間先是山東老儒夢見至聖云今秋

享祭在湖廣應城學公嘗兀坐明倫堂見先聖於屏間是日有持聖肖至者宛如所遇驚異之益淬厲勇進以大儒自期及入躋清要每語人曰吾平章軍國無足以報惟寒氈七載實心實行庶免素餐譏耳

說鈴

陽亨先生時泰逢聖父也父廷秀少爲諸生砥礪廉隅不苟嘖笑惟與同里郭正域大治尹惠州相廟切力貧課子教授生徒著思聰錄人模樣等書歲祔除夕斷炊以一伏雌易米豆五升始具三宿食洎逢聖貴先生手書堂聯曰當年雞豆未忘念此日兒孫莫妄思又爲詩曰清苦丈夫志風霜善自持陽和非不愛義命貴安之平日所以訓子者惟餓死事小四字故逢聖之



恭謹清約皆秉之庭訓非偶然也

瓶隱齋筆記

哭芝岡司馬云抗直忠孤與性成殺之徒廢黨人名金錢乞命  
言殊幻斧鑕當辜憾未平就市夏侯甯改色歸元先軫尙如生  
漢江輿槩乘風渡似逐胥濤怒作聲同陸岷源飲劉夫子山莊  
云漸覺紅稀綠滿前偕朋取次涉平川聲慵繞樹鶯如訴翅軟  
隨風燕可憐清澗一泓堪把釣碧峰千疊任藏煙攜尊滌倒溪  
頭飲醉摘山花帶笑旋兼有沈鬱清婉之致出自偉人尤可寶  
貴

游士任

字肩生萬歷進士官御史

士任先世嘉魚徙江夏初宰長興有政聲擢御史熹宗初魏瑞

附客氏以蠱上心慨然曰此亂本也具疏劾之自是台省交章  
彈擊皆士任啟之也及璫矯旨殺楊漣並逮士任下錦衣獄拷  
掠不死謫戍安慶崇禎改元釋還原官湧月臺云登臺一長嘯  
鶴驚雲欲徙極目盡太虛太虛正如洗光浮石骨寒沫噴金沙  
起蕭然見短碣錐畫逼籀史蒼蘚蝕斷紋古香從荒祀依稀聞  
鐵笛梅花落其裏北下豁幽洞可有青泥髓饒有風騷遺韻矧  
吉光片羽出自名臣者耶

劉南呂

字師尚號文慎諸  
生有友牧堂詩集

南呂性疎放持觴喝月談笑風生刻意七言取法少陵自癸未  
之變恤緯念亂舊典淩夷乃於未死前數月自定其生平詩刻

之嘗笑謂夏振叔異時當於我葬所題云嗚呼此有明飲者劉  
子文慎之墓又聞之鄉先輩稱南昌本孝感人而僑寓鄂城者  
野嘆云一夢勞勞疆欲真臨風佶曲愧清晨揚波不肯從漁父  
瀕泣甯辭近婦人湖叟舊聞先世臘鳴鐘猶考漢家春東陵子  
弟青門老顛顛如今學負薪憂來君父同聲哭直覺艸廬日月  
昏擲劍已消千里夢著書難了一家恩先人差不披緇殮封樹  
猶驚華髮存西土好音無計就六時蟬響在松門白馬盟寒氣  
已撓儒生蹈海欲焉逃閒心遇物悲新故束縛逢人失笑號可  
不作書先誓墓偶然讀歷似披騷姬公著作委荒艸不及當年  
五嶽高苦竹聲殘入夜多不眠簾外走湘娥管年曾擬平淮頌

此日親聽勅勒歌似病似狂良有故勿顛勿醉欲如何昏雅帶  
雨歸林急那省南山有罵羅孤憤填胸魯戈難挽清商變徵似  
哭似歌非血性男子何能作此千古傷心語固不獨悲禾黍者  
生故國之感已也

朱華園

字仲叔  
號淮仙

華園楚昭六世輔國中尉公照之仲子性敏好學六歲就外傳  
卽舉大學二字問師曰此何等學也師奇之十四通古今不屑  
就試二十好新建之學及周程朱陸諸書會通一貫之旨尤喜  
著述有滙書宋元詩選梅湖桃溪諸集晚著聖賢寶鑑論列聖  
賢發揚忠侯五十萬言崇禎癸未三月夢遊石壁見有詩云飛

泉如白鶴隱見度平林暗壁流花瓣漁郎何處尋隨告親友曰  
皆危矣去之可也卽棄家趣入桃溪置田學耕與漁樵伍易名  
陶范公別號五湖長及張李再犯武昌憤極長嘯而逝楚風補  
淮仙以宗社邱墟之感爲激昂慷慨之音有不求工而自工者  
猛虎行云猛虎猛虎咆哮闔伍終日攫人腸吸人髓謂言威猛  
當如此一朝投足陷阱中縮爪乞憐疇見弛人亦食其肉寢其  
皮此則足下自所爲莫惱翁云門有青山樽有酌左圖右書致  
足樂臯夔聿滿放勳延何必巢由在臺閣兒曹勸仕意豈惡其  
奈呵翁未優學莫惱翁翁心久矣白雲中贈周瑤光文學云周  
生辯口縣肉河立取鄉相其餘波遁跡獨處遠山寶扣角夜疾

商聲歌窮愁著書識特妙慷慨對酒情何多所恨不值范叔世  
坐令老喙空長哦諸作俯讀一過覺靈光異彩在目光離合之  
間

明 睿 諸生

睿讀書負氣節苦吟成癖獻忠陷武昌賊獨不入其門睿曰安  
有父母之邦覆而偷生苟活者驅家人入井死乃從容榜諸門  
亦投入焉時人號爲明井 明史

郭昭封 字無傷

王元倬以親老不上公車賦贈有句云毛義視親何太薄陶潛  
乞食豈辭貧

釋如愚

字緝環有空華飲  
河石頭止啼等集

如愚少爲書生跣地負俗後落髮居衡山石頭菴至金陵居石  
頭城南碧雲寺遂號石頭和尚自負才藻思冠巾入俗已復爲  
雪浪受法弟子入燕京居七指菴卒曹能始敘其詩

如愚祝髮後行腳四方尋居金陵碧峰寺從詩僧洪恩學周汝  
登曹學佺袁宗道兄弟皆與之游

四庫全書提要

如愚詩格清純不雜偈語宜爲曹能始輩所稱許冬日潯陽道  
中云殘冬人在路朔氣重愁顏落日下寒郭亂雲生晚山短松  
懸獵網高岸護漁關試問同行客匡廬何處還春日龍潭菴對  
雨云苔蘚空門外煙蘿夾徑陰春流一澗急寒雨數峰深鳥倦

還山翼雲遲過客心望中燈火起人語出遙岑盧僧孺辟穀靈  
隱山賦寄云不飯凡僧飯聖僧苦爲辟穀碧山層洞雲溪水皆  
相食卻道人間飽愛憎

閨秀

呼文如

小字祖江夏營妓有造集編

文如善琴能寫蘭與其姊舉齊名歲丙子西陵有邛生謙之者  
以民部郎出守粵過黃州遇文如於客座將攜之以東生父不  
許乃爲書謝之文如刺血寫詩以報云長門當日歎浮沈一賦  
翻令帝寵深豈是黃金能買客相如曾見白頭吟後生需次赴  
京訪文如於武昌相見甚喜飲安石榴下賦詩呈生云安石孤  
根託謝庭合歡枝上月青青懸知雨露深如許結子明朝似小



星視其圖識鐫曰邛家文如瀝酒樹下誓不歸生者如此石將  
別泣而請曰觀君性氣非老於宦海者君散髮我結髮當不遠  
矣生調知閩州罷歸文如數貽書訂于歸之約不果壬午冬大  
雪生登樓念文如前期未決徬徨凝望俄聞櫓聲咿啞一小艇  
抵樓下推篷而起則文如也驚喜問之曰父利賈人金將賣妾  
事急矣妾自陽邏以金釵市馬至亭州易舟以行稍遲落賈人  
手相與持哭明日生以書報父委禽成禮生罷官無長物攜文  
如徧遊名山彈琴賦詩終其身追憶往事附以贈言次其編曰  
遙集